

եկեղեցոյ իշխանքն չեկին եւ ոչ երէց բնաւ, իբր թէ ոչինչ համարելով զժողովն:

Շաբաթ օր (5 Յուլիւս). երեկոյիս մեր Գրիգորն Շէրպէթճի եւ Մինասն գնացաք ի Ղոււմղափուն եւ անդ նստաք ուտել հաց, եւ ելեալ եկաք: Երեկոյիս Կիրակոս վարդապետն քարոզ ասաց եւ յէրէկս նոյնպէս: Օրս հացածախի վարպետքն պատիւ ունէին:

Կիրակի օր (6 Յուլիւս) ի ժամ գնացաք և Խանուսն պաշտօն առնել ետ. և վարդապետն Եղիազար ի Սուրբ Նիկողոս էր: Եւ երեկոյիս ի ժամ գնացաք, եւ Կիրակոս վարդապետն քարոզ ասաց, եւ յետ արձակմանն գնացաք ի քով նոցա եւ անտի՝ ի տուն: Եւ օրս Գ Դ մէյլսանայ եւս քակեցին ի Ղոււմղափուն:

Եւ օրս մեծամեծք քաղաքիս մուշավէրէ ունէին մօտ ի թագաւորն, և յետ մուշավէրէիս զայն ասացին՝ թէ զղափուտանութիւնն Սէյտի Ահմէտին տվեալ եւ սպահօք բազմօք ի ցամաքէն և քէհեապէկն յէկիչէրօք ևս երթալ ի վերայ Ֆռանկին. անպատճառ այգուցս ելանել: Եւ ութերորդ ժամուս դեսպան եկն անդուստ թէ Ֆռանկն զՊօղճա կղզին առեալ բազում և անթիւ գանձիւք, որ է հանգէպ Իզմիրին: Յորժամ զայս լսեցին՝ այս խափանումն եղեւ, քանզի չեն կարեր երթալ ցամաքով ի վերայ նոցա եւ հնարն ի ծովէ է նոցա հետ սլատերազմն. և սոքա չունին մի նաւ բնաւ:

Եւ առաւօտուս (7 Յուլիւս) կրկին մուշավէրէ առնելով մեծամեծք և նախարարք և ոչինչ լըւեալ մեր թէ այժմ Ֆռանկն զՄիտիլի կղզին ձեծելով պատեալ բազմի ընդ նա:

Գլի օրս (8 Յուլիւս) օլօֆէն ելաւ ամենեցուն: Եւ ի մօտ յետնուցս թագաւորն կու ձայնէ զմուֆտին ի պալատն իւր եւ նա կու գնայ ի ներս, եւ ելեալ ի մի մատ սանդխոցն և թագաւորն ի վերէն հայելով գնա, զի ի՞նչ կամի գալ ըստ սովորութեանն, ձայնէ առ